



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXI. De reunionem Manasterii de Sagittario Provinciæ Calabriæ.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

tibus, in suo robore, & efficacia persistere, & quoties illæ emanabunt toties in pristinum statum restitutas, repositas, & plenarie reintegratas etiam sub data, per Congregationem, & Clericos prædictos eligenda de novo concessas esse; & ita incommutabilis voluntatis, & intentionis nostræ esse, & ad hoc ut perpetua firmitate subsistant vim validi, & efficacis contractus inter Sedem Apostolicam, & ejusdem Congregationis Clericos, haberi; Sicque per quoscumque Judices, etiam Causarum Palatii Apostolici Auditores, & S. R. E. Cardinales a Latere Legatos, Vice-Legatos, & Sedis Apostolicæ Nuncios, sublata eis, & eorum cuilibet quavis aliter judicandi, & interpretandi facultate, & auctoritate judicari debere. Irritum quoque, & inane decernimus, si secus super his a quoquam quavis auctoritate scienter, vel igno- rante contigerit attentari.

Deputantur
Exequuto-
res.

§. 55. Quo circa dilecto filio Curiz Causarum Cameræ Apostolicæ Auditori Generali per ead- dem præsentem Motu proprio mandamus, qua- tenus ipse per se, vel alias præsentem literas, & in eis contenta quæcumque, ubi, & quando opus fuerit, & quoties pro parte Congregatio- nis, & Clericorum prædictorum, vel alicujus eorum fuerit requisitus solemniter publicans, eosdem præmissis omnibus pacifice frui, & gaudere faciat, non permittens, eos vel eorum quempiam super illis quomodolibet indebite mole- stari, contraditores quoslibet, & rebelles per censuras, & pœnas Ecclesiasticas aliaque oppor- tuna juris, & facti remedia, appellatione post- posita, compescendo; Et nihilominus legitimis super his habendis, servatis processibus, senten- tiis, censuras, & pœnas ipsas, etiam aggra- vando, invocato etiam ad hoc si opus fuerit, au- xilio brachii Sæcularis.

Derogato-
riz.

§. 56. Hæc autem decernimus atque statui- mus, non obstantibus recol. mem. Bonifacii Pa- pæ VIII. etiam Antecessoris nostri, de una, & Concilii Generalis de duabus diætiis, dummodo ultra tres diætas, qui vigore præsentium ad judicium non trahatur, & aliis Apostolicis, nec- non in Provincialibus, & Synodalibus Conciliis editis specialibus, vel generalibus Constitutio- nibus, Ordinationibus, & quibusvis, etiam ju- ramento, confirmatione Apostolica, vel quavis firmitate alia roboratis statutis, & consuetu- dinibus, Privilegiis quoque, Indultis, & literis Apostolicis sub quibuscumque tenoribus, & formis, ac cum quibusvis etiam derogatoria- rum derogatoriis, aliis efficacioribus, & insolitis clausulis, irritantibusque; atque aliis Decretis in genere, vel in specie, etiam Motu proprio & ex certa scientia, atque Apostolicæ potestatis plenitudine, ac alias quomodolibet, etiam con- sistorialiter concessis, approbatis, confirmatis, & sæpius innovatis. Quibus omnibus, etiam si de illis illorumque totis tenoribus specialis, speci- fica, & expressa mentio, seu aliqua alia exqui- sita forma ad hoc servanda foret, illis alias in suo robore permanens, hac vice dumtaxat harum serie specialiter, & expresse, ac latissime, & plenissime derogamus, cæterisque contrariis quibuscumque.

Nemo has
litteras in-
fringere au-
deat.

§. 57. Nulli ergo omnino hominum liceat hanc paginam nostræ absolutionis, confirmatio- nis, approbationis, roboris, adjectionis, con- cessionis, impartitionis, Decreti, voluntatis, & derogationis infringere, vel ei temerario ausu contraire. Si quis autem hoc attentare præ- sumperit indignationem Omnipotentis Dei, ac Beatorum Petri, & Pauli Apostolorum ejus se no- verit incursum.

Datum Romæ apud S. Mariam Majorem Anno Incarnationis Dominicæ millesimo septingentesi- mo vigesimo sexto, Kalend. Septemb. Pontifica- tus nostri Anno Tertio.

Restituitur pristinae suæ Provinciæ Calabriae Mona- sterium de Sagittario, Anglonen. Diocesis in Provincia Basilicata, Ordinis Cisterciensis.

Dismembratum fuerat dictum Monasterium ab Alex- andro VII. Const. ed. 1664. Oct. 1. P. 2.

BENEDICTUS PAPA XIII.

Ad perpetuam rei memoriam.

EX injuncto Nobis divinitus Apostolicæ dispen- sationis Officio ea interdum, quæ certis ratio- nabilibus ex causis a Romanis Pontificibus Prædecessoribus nostris concessa sunt, ipsa sub- inde rerum experientia suadente, & majoribus ex causis, quibus præsertim felici Christi fidelium sub suavi Religionis jugo Altissimo famulantium statui, & prosperæ directioni consulitur, revoca- mus, & immutamus, in hisque sollicitudinis nostræ partes interponimus, prout conspicimus in Do- mino salubriter expedire.

§. 1. Alias siquidem per fel. rec. Alexandrum PP. VII. prædecessorem nostrum accepto, quod Congregatio S. Bernardi Italiæ Monachorum Ordinis Cisterciensis, quæ ex duabus Provinciis Tusciæ scilicet, & Lombardiæ constabat eximia Regularis observantiæ laude florebat, eaque de causa omnia dicti Ordinis Monasteria in Statu Ecclesiastico, & pleraque in Regno Neapolita- no respectivè consentientia memoratæ Provinciæ Tusciæ auctoritate Apostolica ab ipso Alexan- dro Prædecessore unita fuerat; unde Divini servitii augmentum, exactiorque disciplina Regularis observantiæ, & major quies, & tran- quillitas Religiosorum dictorum Monasteriorum consequuta erant, idem Alexander Prædecessor spirituali, temporalique Monasterii S. Mariæ de Sagittario nuncupati Ordinis præfati Anglonen. Diocesis, quod unicum in Provincia Basili- catæ dicti Regni, & tum ob Monachorum mul- titudinem, tum ob Regularis Disciplinæ vigorem conspicuum existerat, ac dudum a rec. mem. Urbano PP. VIII. prædecessore etiam nostro per quasdam suas desuper expeditas literas Provin- ciæ Calabriae Ordinis prædicti decretum fuerat, utilitate pariformiter prospectum esse cupiens, præfatum Monasterium S. Mariæ de Sagittario a dicta Provincia Calabriae perpetuo separavit, & dismembravit ipsumque Monasterium cum omnibus, & singulis ejus personis, & bonis il- lius mensæ conventualis Congregationis Sancti Bernardi, & Provinciæ Tusciæ præfatis itidem perpetuo univit, annexit, & incorporavit, & alias pro ut in ipsius Alexandri prædecessoris li- teris in simili forma Brevis die prima Octobris MDCLXIV. desuper editis, quarum tenorem præ- sentibus pro plene, & sufficienter expresso ac de verbo ad verbum inserto haberi volumus uberius continetur.

§. 2. Et post modum emanata super dismem- bratione, ac unione hujusmodi respectivè inter tunc existentes Præsentem suprædictæ Provin- ciæ Calabriae ex una, ac Abbatem, & Monachos præfati Monasterii Sanctæ Mariæ de Sagittario ex altera partibus, controversia, eaque in Con- gregatione tunc sinuliter existentium S. R. E. Cardinalium negotiis, & consultationibus Epi- scoporum, & Regularium proposita, diu discussa emanavit ab ipsa congregatione Cardinalium de- cretum, quo enarratas Alexandri prædecessoris li- teras servandas, & ab ejusdem S. R. E. Card. dicti Ordinis apud hanc Sanctam Sedem Prote- ctore curandum fore demandavit, ut visitationes in præfato Monasterio Sanctæ Mariæ de Sagit- tario omnino suo tempore fierent, quod de-

CXI.

Dat. 2. Sept.
1726. An. 3.

Exordium a
consuetudi-
ne immutan-
di ea quæ
alias consi-
tuta fuerat.

Ab Alex.
VII. præd.
Monasterium
a Provincia
Calabriae dis-
membratum,
Provincia
Tusciæ Congr.
S. Bernar-
di Italiæ
univit fuit.

Hinc lites
ortæ, quibus
in Congrega-
tionem Episc.
& Regular.
& Regular.
discussis, de-
cretum fuit
servandas li-
teras Alex-
andri.

cretum subinde occasione aliarum litium hac super re diversis temporibus motarum tam a prædicta, quam alia Congregatione super disciplina Regulari dicta auctoritate deputata, fuit confirmatum.

§. 3. Cum autem sicut accepimus, dictum Monasterium S. Mariæ de Sagittario trecentis, & amplius millibus passuum a Tuscia distare reperiatur, & ob ejusmodi distantiam nec Abbates ipsius Monasterii pro tempore existentes ad Capitulum Provinciale dictæ Provinciæ, quam in Civitatibus Mediolanen., & Ferrarien., longe etiam inde distans, alternis vicibus celebrari consuevit, absque gravi suo, ac dicti Monasterii incommodo, & dispendio accedere, nec Præsidentis, & Definitoris præfatæ Congregationis Sancti Bernardi, ac Provinciæ Tusciæ alius Regiminis prout par est, intendere, & advigilare valeant, indeque factum sit, quod visitationes in eodem Monasterio tanetsi a præfata Cardinalium Congregatione rebus, & Consultationibus Episcoporum, & Regularium præposita, sicut præmittitur demandatæ, viginti quinque abhinc annis per Visitatores Regulares dictæ Provinciæ Tusciæ factæ non fuerint, multiplicisque abusus in dictum Monasterium sensim irrepserint, inter quos ille præsertim memoratur, quod munus Abbatibus ipsius Monasterii per Monachos de una, eademque familia, seu Consanguineos quasi per manus, & ad instar hereditariæ successione a tempore quo idem Monasterium ipsi Provinciæ Tusciæ unitum reperitur, ferme semper exercitum fuerit, licetque Ven. Frater Episcopus Anglonen., quem novissime in visitatorem Apostolicum ejusdem Monasterii deputaveramus, plura decreta pro Monasticæ disciplinæ instauratione, ac recto dicti Monasterii gubernio ediderit: nihilominus nisi dicti Provinciæ Calabriæ, cui adiacet, ac cujus proinde Præsidentis, & Definitoris salubri ejus Regimini facile incumbere possunt, denuo uniatur, vix sperari possit, quod Religiosa inibi quies, & tranquillitas, ac Regularis observantia usquequaque reintegretur.

§. 4. Hinc est, quod nos præfati Monasterii, ejusque Monachorum statui & indomitati, quantum cum Domino possumus, prospicere, ac opportune providere volentes, supplicationibus dilecti filii Abbatis Alexandri Magni Monachi expressæ professi dictæ Provinciæ Calabriæ, ac Procuratoris Generalis totius Ordinis Cisterciensis, nobis super hoc humiliter porrectis inclinati, ac etiam Motu proprio, & ex certa scientia, & matura deliberatione nostris, de que Apostolica potestatis plenitudine præfati Monasterii Sanctæ Mariæ de Sagittario a dicta Provincia Calabriæ separationem, ac dismembrationem, atque Congregationi Sancti Bernardi, & Provinciæ Tusciæ præfatis unionem, annexionem, & incorporationem a memorato Alexandro prædecessore, sicut præmittitur, facta, & expeditas desuper ejusdem Alexandri prædecessoris literas prædictas harum serie revocamus, cassamus, irritamus, & annullamus, viribusque, & effectu penitus & omnino vacuum, ac revocatas, cassatas, irritatas, & annullatas, viribusque, & effectu penitus, & omnino vacuas esse, & fore discernimus & declaramus, ipsamque Monasterium Sanctæ Mariæ de Sagittario cum omnibus, & singulis ejus Personis, & bonis illius mensæ Conventualis supradictæ Provinciæ Calabriæ restitui- mus, ac prout ante prædictas Alexandri prædecessoris literas erat, eidem Provinciæ Calabriæ denuo unimus, annectimus, & incorporamus, salvis tamen decretis per præfatum Episcopum Anglonen. in actu Visitacionis hujusmodi editis, quæ præsentium literarum dispositioni, ac huic reunioni non adversantur.

§. 5. Decernentes easdem literas semper firmas, validas, & efficaces existere, & fore, suosque plenarios, & integros effectus sortiri, & obtine-

re, ac illis ad quos spectat, & pro tempore spectabit, inviolabiliter, & inconcussè observari; neque de subreptionis, & obreptionis, aut nullitatis vitio, seu intentionis nostræ, aut interesse habentium consensus, aliove quolibet etiam substantiali defectu, notari, impugnari, infringi, retractari, aut in controversiam revocari, seu ad terminos Juris reduci, vel adversus illas aperitionis oris, restitutionis in integrum, aliudve quodcumque juris, facti, vel gratiæ remedium impetrari, seu impetrato, aut etiam motu, scientia, & potestatis plenitudine paribus concessio quempiam in judicio, vel extra illud uti, seu se juvare posse: sicque, & non aliter in præmissis per quoscumque Judices ordinarios, & delegatos etiam Causarum Palatii Apostolici Auditores, ac S. R. E. Cardinales etiam de latere Legatos, & alios quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 6. Non obstantibus præfatis Alexandri Prædecessoris literis, aliisque præmissis, ac quatenus opus sit, de non tollendo jure quasi, aliisque nostris, & Cancellariæ Apostolicæ regulis, & aliis Constitutionibus, & ordinationibus Apostolicis, etiam Conciliaribus; necnon Ordinis, & Congregationis, ac Monasterii, & Provinciarum hujusmodi, aliisque quibuslibet, etiam juramento, Confirmatione Apostolica, vel quavis firmitate alia roboratis Statutis, & Consuetudinibus etiam immemorabilibus; privilegiis quoque, indultis, & literis Apostolicis, etiam Ordini, & Congregationi, ac Monasterio, & Provinciis præfatis, eorumque superioribus, & Personis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & efficacissimis, ac insolitis clausulis, irritantibusque, & aliis decretis in genere, vel in specie, ac alias in contrarium quomodolibet concessis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi ac si de verbo nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub annulo Piscatoris die II. Septembris MDCCXXVI. Pontificatus nostri Anno Tertio.

Erigitur Ecclesia Cathedralis Lucana in Sedem Archiepiscopalem.

Alia hujus Const. ed. 1725. Jul. 16. P. 2. Confirmata fuit erectio Ecclesiæ Serin. in Cathedralem. Et Const. ed. 1728. Nov. 15. P. 5. erigitur Collegiata S. Venantii in Cathedralem, & Terra Fabriani in Civitatem.

BENEDICTUS EPISCOPUS
Servus Servorum Dei. Ad perpetuam rei
memoriam.

Inscrutabili Divinæ Providentiæ arcano super specula militantis Ecclesiæ, meritis licet im-

Derogato-
riæ.

CXII.

Dat. 2. Sept.
1726. An. 3.

Exordium a
cura omnium
Ecclesiarum.